

DECRETO DA ALCALDÍA

C.I.F.: P - 1500200 - I

ASUNTO: XERACIÓN DE CRÉDITO 20/18

EXPEDIENTE: 2018/G003/003044

ANTECEDENTES:

Con data 23.11.2018 a Xunta de Galicia resolve conceder ao Concello de Ames a seguinte subvención complementaria a concedida en xuño de 2018 para a contratación temporal de persoas en situación ou risco de exclusión social perceptoras da Risga (DOG núm. 9, do 12 de xaneiro).

Concretamente dentro do expediente TR351F2018/000032-1 concédense dous peón xardineiros mais, ao 75% da xornada durante sete meses sendo o importe da subvención de 20.531,42 euros

O ingreso que deriva desta subvención non está previsto no orzamento, polo que resulta preciso efectuar sobre o mesmo a correspondente xeración de crédito.

Visto o informe da intervención, e á vista do establecido nos artigos 181 do RDL 2/2004, de 5 de marzo, polo que se aproba o Texto Refundido da Lei Reguladora das Facendas Locais e 43 e seguintes do RD 500/90, de 20 de abril, e visto o informe de Intervención, así como a Base de Execución do Orzamento nº 14, **RESOLVO:**

Primeiro e único.- Aprobar o expediente de modificación de crédito "XERACIÓN DE CRÉDITO 20/18" do orzamento municipal para o exercicio 2018, de acordo co seguinte detalle:

XERACIÓN DE CRÉDITO 21/18

Aplicacións de gasto:

171	13100	15.164,66
171	16000	5.366,76
	TOTAL	20.531,42

Aplicación de ingresos:

45073	20.531,42
TOTAL	20.531,42

O alcalde

José M. Miñones Conde

A secretaria

Rosa Ana Prada Queipo

INTERVENCION	
ASUNTO:	INFORME
EXPEDIENTE:	2018/G003/003044
ASUNTO	Xeración de 21/18
Informe	515/2018

Nota previa: o presente informe abordará unicamente a legalidade da modificación que constitúe o obxecto deste expediente, sen entrar a valorar por tanto a concreta actuación de gasto a amparar co crédito que agora se habilita. Tal actuación deberá ser fiscalizada de xeito independente, de acordo co previsto nos artigos 213 e seguintes do Texto Refundido da Lei reguladora das Facendas Locais (TRLRFL), aprobado polo Real Decreto Legislativo 2/2004, de 5 de marzo.

1.-MARCO NORMATIVO.

As principais normas de aplicación ao asunto informado figuran recollidas nas seguintes disposicións:

Normativa estatal:

- LEI 7/85, de 2 de abril, Reguladora das Bases do Réxime Local (LRBRL)
- REAL DECRETO LEXISLATIVO 2/2004, de 18 de abril, polo que se aproba o Texto Refundido da Lei Reguladora das Facendas Locais (TRLRFL).
- REAL DECRETO 500/90, de 20 de abril, que desenrola o TRLRFL en materia orzamentaria.
- ORDE EHA/3565/2008, de 3 de decembro, pola que se aproba a estrutura dos orzamentos das entidades locais.

Normativa aprobada polo Concello de Ames:

- BASES de Execución do Orzamento.

2.- ANTECEDENTES DE FEITO.

Remítese memoria da concelleira de facenda na que se fai constar que con data 23.11.2018 a Xunta de Galicia resolve conceder ao Concello de Ames a seguinte subvención complementaria a concedida en xuño de 2018 para a contratación temporal de persoas en situación ou risco de exclusión social perceptoras da Risga (DOG núm. 9, do 12 de xaneiro).

Concretamente dentro do expediente TR351F2018/000032-1 concédense dous peón xardineiros mais, ao 75% da xornada durante sete meses sendo o importe da subvención de 20.531,42 euros

O ingreso que deriva desta subvención non está previsto no orzamento, polo que resulta preciso efectuar sobre o mesmo a correspondente xeración de crédito.

En base ao exposto, e vista a previsión de desenvolvemento do programa e o gasto a efectuar dentro do vixente exercicio, o detalle da modificación de crédito proposta é o seguinte:

XERACIÓN DE CRÉDITO 21/18

Aplicacións de gasto:

171	13100	15.164,66
171	16000	5.366,76
	TOTAL	20.531,42

Aplicación de ingresos:

45073	20.531,42
TOTAL	20.531,42

O presente informe emítese conforme ao disposto na Base de Execución do Orzamento nº 14, e nel non se aborda a legalidade dos gastos amparados por esta modificación orzamentaria, que deberán ser obxecto de fiscalización independente, no seu caso.

No momento de ser recibido por este servizo, no expediente figuraba a seguinte documentación:

1. Memoria da Concellaría de Economía e Facenda.
2. Documentación acreditativa da efectiva dispoñibilidade dos recursos afectados.

3.-ANTECEDENTES DE DEREITO

3.1 Das modificacións de crédito durante a vixencia da prórroga orzamentaria.

De acordo co previsto no artigo 21.5 do RD 500/90, en tanto non se aprobe o orzamento definitivo, o prorrogado poderá ser obxecto de calquera das modificacións previstas pola Lei.

3.2 Da modificación de crédito a efectuar.

De acordo co artigo 181 do TRLRFL, poderán xerar crédito nos estados de gastos dos orzamentos, na forma que regulamentariamente se estableza, os ingresos de natureza non tributaria derivados das seguintes operacións:

- L) Achegas ou compromisos firmes de achega de persoas físicas ou xurídicas para financiar, xuntamente coa Entidade local ou con algún dos seus Organismos Autónomos, gastos que pola súa natureza estean comprendidos nos fins ou obxectivos dos mesmos.
- LI) Alleamentos de bens da Entidade local ou dos seus Organismos Autónomos.
- LII) Prestación de servizos.
- LIII) Reembolsos de préstamos.
- LIV) Reintegros de pagos indebidos con cargo ó orzamento corrente, en cuanto á reposición do crédito na correspondente contía.

O Artigo 44 do RD 500/90 engade ao anterior que para proceder á xeración de crédito será requisito indispensable:

- a) Nos supostos establecidos nos apartados a) e b) do artigo anterior, o recoñecemento do dereito o a existencia formal do compromiso firme de achega
- b) Nos supostos establecidos nos apartados c) y d), o recoñecemento do dereito; se ben a dispoñibilidade de ditos créditos estará condicionada á efectiva recadación dos dereitos.
- c) No suposto de reintegros de orzamento corrente, a efectividade do cobro do reintegro.

En relación ao anterior, o artigo 45 da mesma norma prevé que o compromiso firme de ingreso a que se refiren os artigos anteriores é o acto polo que calquera entes ou persoas, publicas ou privadas, se obrigan, mediante un acordo ou concerto coa entidade local, a financiar total ou parcialmente un gasto determinado de forma pura ou condicionada.

A Base de execución do orzamento nº 14 establece o seguinte en relación ás xeracións de crédito:

“Poderán xerar crédito nos estados de gastos do orzamento xeral deste Concello os ingresos de natureza non tributaria derivados das seguintes operacións:

- a) Achegas ou compromisos firmes de achega de persoas físicas ou xurídicas para financiar, xuntamente co Concello, gastos que pola súa natureza estean comprendidos nos fins ou obxectivos dos mesmos.
- b) Alleamentos de bens do Concello.

En ámbolos dous supostos será requisito indispensable para que se xere o crédito, que se dea o acto formal de compromiso firme de achega ou recoñecemento do dereito, extremos que deberán ser acreditados pola Intervención.

- a) Prestación de Servizos.
- b) Reembolsos de préstamos.

Nos dous supostos anteriores, o crédito xerarase no momento do recoñecemento do dereito, se ben a dispoñibilidade dos devanditos créditos estará condicionada á efectiva recadación dos dereitos, extremos que deberán ser acreditados pola Intervención.

Os expedientes de xeración de créditos tramitaranse pola Alcaldía, correspondendo a este órgano a súa aprobación, previo informe da Intervención no que se deixe constancia de:

- a) A correlación entre o ingreso e o crédito xerado.
- b) Os conceptos de ingresos onde se producira un ingreso ou compromiso non previsto no Orzamento inicial, ou que exceda da súa previsión inicial, e a súa contía.

As aplicacións orzamentarias do Estado de gastos e o crédito xerado como consecuencia dos ingresos afectados".

- Cumprimento dos anteriores aspectos de legalidade no presente expediente.

Aspectos fiscalizados	Observacións
Dispoñibilidade do ingreso que fundamenta a xeración de crédito.	Figura no expediente copia da resolucións do xefe territorial da Consellería de Economía, Emprego e Industria da Coruña de concesión de data de 23.11.2018 na que se recollen os importes concedidos polos conceptos indicados O expediente CUMPRE este aspecto obxecto de comprobación.
Correlación entre o ingreso e o crédito xerado.	Da documentación que figura no expediente derívase a existencia dunha relación directa entre os ingresos comprometidos e os gastos a financiar cos mesmos. O expediente CUMPRE este aspecto obxecto de comprobación.
Que as aplicacións incrementadas con esta modificación sexan as axeitadas, en atención ás características das necesidades que se pretenden atender ca mesma.	O expediente CUMPRE este aspecto obxecto de verificación
Que a proposta de aprobación do expediente se formule ao órgano competente.	A competencia para a aprobación desta modificación corresponde á Alcaldía. A Memoria que dá inicio ao expediente dirixe a proposta a dito órgano. O expediente CUMPRE este aspecto obxecto de verificación.

Efectos da presente modificación sobre o cumprimento dos principio de estabilidade orzamentaria e sustentabilidade financeira.

A presente modificación non afecta ao saldo non financeiro do orzamento, non se financia cunha maior apelación ao endebedamento, non representa un incremento do gasto computable do orzamento ao entender que si ben existe unha achega municipal a mesma farase efectiva mediante a minoración de outras aplicacións de gastos da mesma área.

Non obstante, as implicacións sobre a estabilidade orzamentaria derivadas da presente modificación serán abordadas no vindeiro informe trimestral de avaliación do cumprimento do obxectivo de estabilidade, da regra de gasto e do límite de débeda ao que se refire o artigo 16 da Orden EHA 2105/2012.

CONCLUSIÓN.

En base ao exposto, cabe concluír o seguinte:

Primeira. - O expediente cumpre todos os aspectos obxecto de fiscalización previa abordados neste informe.

Segunda. - En consecuencia, emítese informe favorable a súa aprobación.

A interventora
(asinado dixitalmente)

Margarita Fernández Sobrino



MEMORIA CONCELLEIRA DE FACENDA

Asunto: Xeración de crédito nº 21/18

Expediente: 2018/G003/003044

Con data 23.11.2018 a Xunta de Galicia resolve conceder ao Concello de Ames a seguinte subvención complementaria a concedida en xuño de 2018 para a contratación temporal de persoas en situación ou risco de exclusión social perceptoras da Risga (DOG núm. 9, do 12 de xaneiro).

Concretamente dentro do expediente TR351F2018/000032-1 concédense dous peón xardineiros mais, ao 75% da xornada durante sete meses sendo o importe da subvención de 20.531,42 euros

O ingreso que deriva desta subvención non está previsto no orzamento, polo que resulta preciso efectuar sobre o mesmo a correspondente xeración de crédito.

En base ao exposto, e vista a previsión de desenvolvemento do programa e o gasto a efectuar dentro do vixente exercicio, o detalle da modificación de crédito proposta é o seguinte:

XERACIÓN DE CRÉDITO 21/18

Aplicacións de gasto:

171	13100	15.164,66
171	16000	5.366,76
	TOTAL	20.531,42

Aplicación de ingresos:

45073	20.531,42
TOTAL	20.531,42

Dáse traslado da presente á Intervención Municipal, a fin de que se dea oportuno trámite ao correspondente expediente de modificación de créditos, incorporando ao mesmo os informes e documentos que resulten procedentes.

A Concelleira de Economía e Facenda.

Genma Otero Uhía.